

Comision di festival di buki pa mucha ta gradici sponsornan y colaboradornan

Un danki na tur esunnan cu ta yuda cu Festival di buki pa mucha

DIABIERNA awor Biblioteca Nacional Aruba ta clausura su di binti festival di buki pa mucha. Cu hopi placer Biblioteca Nacional Aruba ta organisa e festival aki tur aña. E ta un siman completamente dedica na e buki di mucha y placer den lesamento di buki pa mucha. Biblioteca no ta haci esaki su so. E ta un organisacion cu ta rekeri hopi creatividad, input di hopi hende, hopi energia y recurso. E comision cu ta encarga cu e festival ta consisti di naturalmente personanan di Biblioteca Nacional Aruba, pero tambe di Departamento di Enseñansa y Instituto Pedagogico Aruba.

En cooperacion cu otro partido y cu sosten financiero di sponsornan. Sin esaki lo no ta posibel pa sigui cada aña cu e promocion di lesamento. E comision ta traha duro cada aña pa bin cu un bon programa cu autornan local y internacional. Biblioteca Nacional Aruba ta percura pa, por medio di su presupuesto anual, tin fondo disponibel pa e festival, pero esaki no ta cubri tur aspecto di e festival. Pesey un tarea importante di e comision ta pa percura pa acerca instancianan cu por sponsor cierto partinan di e festival. Pa medio di esaki Biblioteca Na-

cional ta gradici e instancianan cu a considera importante pa contribui cu e festival. E ta un organisacion cu ta pidi hopi creatividad, bon maneho, input di hopi hende cualifica, hopi energia y recurso. Pa logra un exito, ayudo ta necesario.

Un palabra di danki na e sponsor mayor RBC Royal Bank, cu un biaha mas a yuda carga e festival. Un danki tambe na e libreria nan De Wit & Van Dorp stores, Plaza Bookshop, Samson Bookstore y Bruna. Na ELMAR, Kiwanis Club of Palm Beach, Tiara Air Aruba, Nagico, Organizacion EducarOfra, Praktijkfysiotherapie M.A.J.



Maduro, Flora Market, Fatum y Quota International Club.

Un danki di curason na tur e muchanan cu a participa na e siman di buki pa mucha, na e mayornan cu a percura cu nan por bin na e actividadnan. Danki na tur e scolnan y nan maestronan cu a prepara e muchanan pa ricibi e escritornan y ilustradonan di buki. Ta un placer pa mira con e muchanan ta gosa.

Danki na tur cu a yuda pa e festival di buki cana bon. Danki na tur empleado di Biblioteca Nacional Aruba y e voluntarionan cu a yuda compaña e escritor nan na e scolnan. Un palabra di danki y aprecio na e colaboradornan di Departamento di Enseñansa y Instituto Pedagogico Arubano. Na Sr. Ruud Bosch na kende e festival

aki a wordo dedica.

Last but not least, un danki grandi na tur e autornan, contadonan di cuenta y ilustrado nan pa nan entusiasmo y nan pasion pa comparti cu e muchanan nan amor pa buki y lesamento. Ta nan y e muchanan ta haci e festival un exito.

Biblioteca Nacional Aruba ta invita tur mucha y publico en general pa sigui haci bon uzo di e bunita coleccion di buki cu Biblioteca Nacional Aruba na Playa y San Nicolas ta ofrece. Cu conviccion Biblioteca ta sigui cu e trabou di promocion di lesamento y ta sigui stimula otro instancia cu ta traha riba tereno di lesamento. Biblioteca Nacional Aruba ta e centro di conocimiento y encuentro pa e pueblo di Aruba.